


Genesis 3



Aqdaq dai khul nail yaqyov-aq al gaq neq, aivq nail khaqma bhai Eilbav dai, mil bhiq-a nail ngaol. Khul khi mail dai ngal-aq neq, aqdoevq doevq nail tsaol-aq yaq iqsanl nail aqma pevq lal nail ngaol.



1

Eellel neq, Heeqphaq Miqyail-i mail teivq-ai thaq nail haqtsoiq jaiqyaq juq nail lavqkhoel bhai neq, al jaiq-ail nia nail teevq phaqaq pevq nail ngaol. Teevq n neq, aivq yaqmai-aq bhai ge bhiq-a nail: "Miqyail neq, gaoqkhail niil nail lavqkhoel khe jiav nail aqheeq bhai maq ya jaq-ail dai, mal dil ge-ai lavq thaqaq nail ngaol laiq" dai, nal daiq bhiq-a nail ngaol.



2

Yaqmai-aq gaq ge kovq bhiq-a nail: "Nv juq gaoqkhail niil khail nail lavqkhoel khe, aqheeq juq jaq kivq nail ngaol. Thail hai ngaol-aq, gaoqkhail gaoltsi bhai jiav nail aqbhaol khe aqheeq neq, maq ya jaq-ail. Lav gail maq ya lav tuv-ail. Lav tuv khi jaq haq neq, sil lee nail ngaol dai, Miqyail ge-ai lavq thaq nail ngaol" dai, ge kovq bhiq-a nail ngaol.



3

Aq-u phao eellel ge nail: "Maq ngel-ail, nul juq sil lee nail maq ngel-ail. Aqheeq al jaq haq neq, nul juq neq, Miqyail khe-ai meeq nail doil nail tsel pav nia lal ngaol dai, Miqyail heeq nia nail ngel-i mail, ge nail niil" dai, ge kovq bhiq-a nail ngaol.



4

Yaqmai-aq al gaq gail, al jaiq-ail meeq nail aqbhaol al bhaol bhai maqkhaiq, jaq heeq pha-ail heeq nail aqheeq bhai maqkhaiq, ya moel-a nail ngaol. Al ovqtavq, neegeel aol nail bhai oil movq-ai bhiq nail ngel-i mail, aqheeq oil khi mail jaq-a nail ngaol. Aivq nail yaqyov-aq bhai gail bivq khi bhi jaq-a nail ngaol.




5

Al hai jaq-u phao, teevq pov taivq-ail, aqyu nvq gaq nail heeq nia nail maivneev phao lal khi aqyu nvq gaq aqgaq aqdoi maq doi-nq thaq nail bhai, ya moel-a nail ngaol. Al heel ngel-i mail, aqyu nvq gaq neq, heeqpuv aqpavq guvq jil khi aqmaolbhai doi phee-ai nail ngaol.




6

Thail hai ngaol-aq, Heeqphaq Miqyail neq yaqyov-aq gaq bhai, "Naol khaq bha jaol nail-aiq" dai, khul-a nail ngaol. Yaqyov-aq al gaq ge kovq bhiq-a nail: "Naol gaoqkhail lavqkhoel bhai tsao nail aqthel ngal ya gaiq-u phao, ngaq nail aqmaol bhai aqgaq aqdoi maq doi-nvq thaq nail ngel-i mail, ...




7

... gee sil khi tsaq-uvq-a nail ngaol" dai, ge bhiq-a nail ngaol. Heeqphaq Miqyail nal daiq bhiq-a nail: "Naq bhai aqgaq aqdoi maq doi-nvq thaq il dai, khaq sil gaq ge nail-aiq. Naol maq ya jaq-ail dai, ngaq-i mail ge-ai thaq nail aqheeq jaq aol maq ngel lai" dai, nal daiq bhiq-a nail ngaol.




8

Yaqyov-aq gaq ge kovq bhiq-a nail: "Ngaq bhai naoq-i mail bivq lavq-a nail yaqmai-aq-i mail bhi jaq lavq-a nail ngel-i mail jaq-a nail ngaol" dai, ge bhiq-a nail ngaol. Heeqphaq Miqyail yaqmai-aq gaq bhai gaoq nal. Daiq bhiq-a nail ngaol: "Naol khul khi-a nail-aiq" dai, nal daiq bhiq-u phao, "Eellel neq, ngaq bhai goiqbhaq bhaq lavq-a nail ngel-i mail, jaq-a nail ngaol" dai, ge kovq bhiq-a nail ngaol.



9


Al heel ngel-i mail, Heeqphaq Miqyail neq, aqyu nvq gaq bhai Eiqdeiq gaoqkhail nee mail the dov khi, aqyu nvq gaq-i mail dov lee-a nail miltsaq bhai bhi kha jaq bhi kha daol-a nail ngaol.



10


Aqyu nvq gaq bhai the dov

gaq-al ngal-aq neq, aqdoevq doevq nail aqbhaol bhai bhi hel daiq phail nail galduq, miqjaq tovq nail thaoma nee mail teevq gaq khe-ai, Kheiqulbhinq juq bhai gaoqkhail nail nlma dov khoeq phao, bhi lovq phail-a nail ngaol.




11

A bhai nee ngal-aq, Aqdaq neq, Eilbav nee mail jaol tavq-a nail ngel-i mail, Eilbav yaq ceiv lai khi, yaqyov teevq gaq bhaq-a nail ngaol. "Heeqphaq Miqyail tsao jao-ai lavq-a nail ngel-i mail, yaqyov ya-a nail ngaol" dai, Eilbav ge khi, yaqyov al gaq bhai Gaqilnav dai, mil bhiq-a nail ngaol.



12

Haoqnao aivq nail jaqbheq Aqbheiqlav, gaoq bhaq-a nail ngaol. Aqbheiqlav neq, yaol lovq nail gaq pevq khi, Gaqilnav neq, kha jaq kha daol nail gaq pevq nail ngaol.




13

Aqyanq tsaq lai-u phao, Gaqilnav neq, aqheeq allu juq, Heeqphaq Miqyail bhai laol bhiq nail galduq, oil lavq-a nail ngaol. Aqbheiqlav gail aivq nail yaol juq nail lavqkhoel khe iqmoeq khal moeq phaoq-a nail yaol nieil lavq khi heivq-a nail nee ovqtavq, khal meeq jaiq nail haqjoil khal dov khi, Miqyail bhai laol bhiq-a nail ngaol.



14

Heeqphaq Miqyail neq, Aqbheiqlav dai khi aivq-i mail laol bhiq nail pha q bhai, hav bhoel-a nail ngaol.




15

Thail hai ngaoq, Gaqilnav neq, aivq nail jaqbheq Aqbheiqlav bhai, "Daiyal bha tsao daiq-ail bhel" dai, ge bhiq khi, khul-aivq-a nail ngaol. Kev ail-a nee ngal-aq, aivq nail jaqbheq bhai deeq heivq-a nail ngaol.



16

Aq-u phao, Heeqphaq Miqyail Gaqilnav bhai, "Naoq nail jaqbheq Aqbheiqlav khaq bha jaol nail-aiq" dai, nal daiq bhiq-a nail ngaol. Gaqilnav ge kovq bhiq-a nail: "Ngal maq heeq kivq ail, ngal ngaq nail jaqbheq bhai hel daiq phail nail gaq maq ngel. ail" dai, ge kovq bhiq-a nail ngaol.




17

Gaqilnav gail, Heeqphaq Miqyail nail sivtavq nee mail dov-ail khi, Eiqdeiq gaoqkhail nail nma dov khoeq phao jlav nail Novq nail miltsaq bhai jaol ail-a nail ngaol.



18

Aqdaq neq, aivq nail khaqma Eilbav nee gaoq jaol tavq khi, Eilbav neq, yaqyov teevq gaq gaoq bhao-a nail ngaol.



19

Eilbav ge nail: "Gaqilnav-i mail heivq-a nail Aqbheiqlav nail haqbhoil yaqyov teevq gaq, Heeqphaq Miqyail bivq lavq-a nail ngaol" dai, ge khi yaqyov al gaq bhai Seiqtav dai mil bhiq-a nail ngaol.




20

Seiqtav ya gaq khi mail haoqnao, Aqdaq neq, 800 kovq bhee dai yeel heel nail lavqkhoel, yaqmiq yaqyov juq gaq ya-a nail ngaol. Aivq nail aqkovq 930 kovq bhee dai, doevq khi sil-a nail ngaol.



21

Milkhaoq doi dai tsaol-aq yaq juq al jaiq-ail doil khi, neenoeq neema phao gail al jaiq-ail haqev nail pha qkhaqmao iqsanl aolnail bhai, Heeqphaq Miqyail ya moel-u phao, . . .



22

. . . Al heel ngel-i mail, Heeqphaq Miqyail ge nail: "Ngaq-i mail teivq-a nail tsaol-aq yaq juq nee mail teevq gaq khe-ai, jaiqyaq juq iqsanl, keivq-avq juq iqsanl, . . .



23

. . . keivq-avq juq iqsanl, soiq soiq-ail tsaol nail jaiqyaq juq iqsanl bhai, ngal miltsaq kovtavq nee mail lav peivq gil nail ngaol. Aqyu juq bhai teivq-a nail ngel-i mail, ngaqnail neema nal-il" dai, ge nail ngaol.



24

Thail hai ngaol-aq, Nol-avq neq, Heeqphaq Miqyail nail sivtavq bhai neekhaol sil nail teevq gaq pevq nail ngaol. Nol-avq neq, Seiqmav, Haqmav dai khi Yaqphai dai khul nail yaqyov hail gaq jaol nail ngaol.



25

Yeiqsul gaq ge nail: Miqyail miltsaq yaq bhai gaiq-a dee dee nail ngel-i mail, aivq nail Yaqyov teevq gaq teevq-eel ngaol-aq, bivq lavq-a nail ngaol. Yaqyov bhai neema khal thaq tsaol nail tsaol-aq maq ya cov ail nail nee ovqtavq, nqmaq maqluv halyeel ya doevq nail ngaol.

2



60

26

Lolmav 3:23 Khul khi mail dai ngal-aq neq, tsaol-aq iqsanl mail oeqbal nl-a nail ngel-i mail, Miqyail nail seiqlaiq khaoqsail bhai maq ya nia-ail.

Lolmav 6:23 Oeqbal nail aqphoiq neq, ya sil nail ngaol. Thail hai ngaol-aoq, Miqyail-i mail ngadao bhai aqnieivq ail bivq lavq-a nail kovpavq neq, ngadao nail Heeqphaq Yeiqsul Khali bhaq da nee, nqmaq maqluv halyeel ya doevq nail ngaol.

Heiqbhail 9:27 Ngadao tsaol-aq teevq pov ya sil khi, yaqhao yalkhaq dal nail bhai ya daq nail ngaol.

27

Eilpheilsu 2:8,9 Nul juq neema thaq tsaol nail lavqkhoel Miqyail nail geeqlaoq eel jaol bhaq da nee, hevq kovq nail phaqa ya-a nail ngaol. Yovqgavq bhai yovqgavq nl-a hal-a nail bhaq da nee ya-a nail maq ngel-ail. Miqyail-i mail bivq lavq-a nail kovpavq ngaol. Nl nail hal nail bhaq da nee ya-a nail maq ngel-ail. Al heel ngel-i mail, tsaol-aq teevq gaq iqsanl neema eeq duq maq jia-ail.

Lolmav 10:9,10 "Yeiqsul neq, Heeqphaq ngaol" dai, naoq nail moeqthaoq khanq khi, "Miqyail aivq bhai bhi doevq kovq lal-a nail ngaol" dai, naoq nail neema lavqkhoel nee, neema thaq tsaol haq neq, Miqyail naoq bhai hevq kovq lavq nail ngaol. Neema lavqkhoel nee, neema thaq tsaol nail ngel-i mail, Miqyail nail sivtavq bhai tsaq nail daol nail tsaol-aq pevq lal khi, moeqthaoq khanq-a nail ngel-i mail, hevq kovq nail phaqa ya-a nail ngaol.

28

Yaolhaq 3:16,17 Yeiqsul gaoq ge nail: "Miqyail miltsaq yaq bhai gaiq-a dee dee nail ngel-i mail, aivq nail Yaqyov teevq gaq teevq-eel ngaol-aoq, bivq lavq-a nail ngaol. Yaqyov bhai neema khal thaq tsaol nail tsaol-aq maq ya cov ail nail nee ovqtavq, nqmaq maqluv halyeel ya doevq nail ngaol.

Khul khi mail dai ngal-aq neq, miltsaq yaq bhai yalkhaq bhi dal nail dai khi, Miqyail aivq nail Yaqyov miltsaq bhai bhi lee-a nail maq ngel-ail. Miltsaq yaq bhai bhi hevq kovq lee-a nail ngaol."

29

1 Yaolhaq 5:11-13 Miqyail salkhil khanq nail al neq, ngadao bhai nqmaq maqluv halyeel doevq nail phaqa bivq lavq-a nail ngaol. Nq maq maq luv hal yeel doevq nail al neq, aivq nail Yaqyov nail lavqkhoel bhai aol nail ngaol.

Yaqyov bhai hav bhoel nail tsaol-aq, doevq nail phaqa ya nail ngaol. Yaqyov bhai maq hav bhoel nail tsaol-aq, doevq nail phaqa maq ya-ail.

Miqyail nail Yaqyov nail aqmil bhai neema thaq tsaol nail nul juq, nqmaq maqluv halyeel doevq nail phaqa ya nail ngaol dai, nul juq ya heeq kivq dai, ngal nul juq bhai haoqgavq niil gevq bhoel-ai leevq-a nail ngaol.

30

Genesis 3 - 6

Storyline by: Edward D. Hughes

Illustrated by: Byron Unger, Lazarus and Alastair Paterson

Adapted by: M. Maillot; Tammy S.

Akeu Bible (aeu) © 2016, Wycliffe Bible Translators, Inc. All rights reserved.

<https://live.bible.is/bible/AEUWBT/GEN/1>

©2024 Bible for Children, Inc.
www.M1914.org www.bibleforchildren.org

31